

NEWSLETTER

Mars

**Bli Online dhe Përfito
30% Ulje për
Sigurimin e Banesës!**

**Stafi i Albsig.sh.a,
Albsig Jetë dhe
Albsig Invest -
Udhëtim në
Mal të Zi me
Rastin e 8 Marsit.**



PJESË E  KASTRATI GROUP

**Grua, Jeta Fillon me Ty!
Albsig, Fushatë në Kuadër
të 8 Marsit 10-50% Ulje.**

**Albsig për të 3-tin Vit
bën të Mundur Rinovimin
e Kontratës në Mbështetje
të Kartës së Studentit.**

**Albsig Sponsorizon Librin
“Të Rënët”, e Punonjësve
të Policisë së Shtetit
Përgjatë 32 Viteve**

Shoqëria e Sigurimit Albsig sh.a., pjesë e Grupit KASTRATI, ushtron aktivitet të suksesshëm që nga viti 2004, në cilësinë e siguruesit të Jo - Jetës. Me një rrjet me 28 degë, Albsig mbulon territorin e Republikës së Shqipërisë. Albsig mbështetet në stafin e dedikuar dhe profesional dhe ofron shërbim të shpejtë dhe cilësor.

VIZIONI

Klienti, prioriteti ynë. Ne tejkalojmë pritshmëritë e tij përmes shërbimit, integritetit dhe profesionalizmit.

MISIONI

Të jemi zgjedhja e parë e çdo klienti. Ne rritemi bashkë me klientët tanë.

FILOZOFIA

Besim dhe solidaritet me klientët për të arritur suksesin e përbashkët.



Partneri juaj i sigurtë!



PJESË E  KASTRATI GROUP

Bli Online dhe Përfito 30% Ulje për Sigurimin e Banesës!



Edhe pse në Shqipëri bizneset po funksionojnë prej vitesh me shitjet nëpërmjet internetit, sipas raportit të Eurostat rezulton se sërish shqiptarët janë të fundit në Europë për blerjet online. Pavarësisht përshtypjes së njerëzve, pjesa më e madhe e tyre e ka provuar eksperiencën e porosisë virtuale sidomos gjatë periudhës së izolimit prej pandemisë së Covid-19. Blerjet online kanë pësuar një rritje në Bashkimin Evropian, ku vendin e parë e mbajnë anglezët. Ndërsa në rajonin e Ballkanit përfundimor për blerjet online kryeson Kosova.

Nga të dhënat e Bankës së Shqipërisë rezulton se numri i kartave bankare në posedim të qytetarëve dhe biznesit ka ardhur në rritje të vazhdueshme vitet e fundit. Në vitin 2022, numri i kartave arriti në mbi 1.3 milionë. Sipas të dhënave të shoqatës E-commerce, në vitin 2008 bëheshin 2 mijë porosi në ditë për blerje online, ndërkohë që aktualisht numri ka arritur në 28 mijë porosi në ditë.

Sa i përdorin shqiptarët blerjet online?

A e kanë të përfshirë të gjitha sektoret mundësinë e blerjeve online dhe sa praktikohet kjo?



Konkretisht bëhet fjalë për tregun e sigurimeve në Shqipëri. Sa është e zhvilluar blerja online apo siç thuhet ndryshe prenotimi i disa produkteve të sigurimeve përmes web-online. Albsig po bën vite që ka shpalosur platformën e tij online. Platforma “Bli Online” nga Albsig është e disponueshme 24/7, duke i lejuar vizitorët të shfletojnë dhe të blejnë në çdo kohë produktet e kërkuara nga ana e tyre, njëkohësisht duke krijuar opsione lehtësuese për të gjithë klientët e Albsig. Dhe jo vetëm kaq por ndjekësve ju mundëson skanimin e QR Code dhe njohjen e menjëherëshme të produkteve dhe të shërbimeve online. Shpejt dhe thjeshtë, vetëm me një klik, Albsig “ju gostit” me çmimet më të favorshme për sigurimet që ju nevojiten. Për ata që janë të interesuar për sigurimin vullnetar të banesave, në Albsig mund të përfitojnë 30% ulje të menjëherëshme nga çmimi zyrtar. Kjo ofertë ju vjen në ndihmë të gjithë pronarëve të banesave që duan ta kenë të sigurt pasurinë e tyre. E njëjta politike tërheqëse është përdorur dhe pothuajse për të gjitha produktet. Të gjithë të apasionuarit pas teknologjisë kanë mundësi të përfitojnë të gjitha uljet apo fushatat që Albsig aplikon herë pas here për klientët online. Mos qëndro pasiv, vepro menjëherë pa radhë nëpër sportele dhe pa probleme dhe vetëm me një klik Bli Online sigurimin që të duhet në Albsig.



**Platforma “Bli Online” nga Albsig
është e disponueshme 24/7,
duke i lejuar vizitorët të shfletojnë
dhe të blejnë në çdo kohë
produktet e kërkuara nga
ana e tyre, njëkohësisht duke krijuar
opsione lehtësuese për të gjithë klientët e Albsig.**



GRUA,
jeta fillon me ty

**ALBSIG, FUSHATË NË KUADËR
TË 8-MARSIT 10-50% ÛLJE**



Dita e gruas është në stinën e pranverës, sepse të gjitha ju jeni të bukura si kjo stinë. Keni forcën e madhe brenda jush të luftoni sfidat e jetës, të luftoni për familjen, për fëmijët tuaj, të luftoni kundër fatkeqësive, kundër sëmundjeve të tmerrshme, si edhe kundër fenomeneve të këqija shoqërore. Albsig ju uron Gëzuar 8 Marsin, të gjitha grave dhe paçi gjithmonë pranverë në jetët tuaja! Albsig përveç urimeve, sjell për ju edhe superoferta për festat e 7-8 Marsit. Festa e mësuesve dhe e gruas janë festat që kujtohen nga të gjithë dhe Albsig ofron një super paketë uljesh për të gjithë të interesuarit.

Albsig ofron 10-50% ulje në produktet që i nevojiten cdo të interesuareje, teksa prenoton online produktin që i duhet. Albsig ka përgatitur e dizajnuar një ofertë fantastike për klientet e saj femra. Për festën e 8 Marsit, klientet e Albsig mund të marrin sigurimet që ju nevojiten përgjatë gjithë muajit mars me ulje të konsiderueshme sipas llojit të produkteve, ku për secilin prej tyre është menduar nga 10-50% ulje. Në kuadër të kësaj fushate të gjitha klientet femra mund të përfitojnë falas kartën Med për shërbimet e shëndetit që u nevojiten. Kjo ofertë speciale nuk do të jetë vetëm për festën e 7 dhe 8 Marsit por për të gjithë muajin mars. Të gjitha këto ulje i gjeni tek Albsig, ku sigurimin që ju nevojitet do ta përfitoni me një çmim të volitshëm. Të gjithë ata që kanë vendosur që këto festa t'i kalojnë në praninë e sigurimeve nuk do të zhgënjehen, pasi në Albsig kanë gjetur vendin ideal.

Festat e Marsit do të festohen në Albsig për një periudhë një mujore. Andaj mos hezitoni që të pajiseni me sigurimet që ju duhen, vetëm në Albsig. Me rastin e 8 Marsit, Ditës Ndërkombëtare të Gruas, Albsig ofroi për një muaj rresht uljet preferenciale të dedikuar femrave dhe mirëqenies e shëndetit të tyre. Po kështu në kuadër të kësaj feste, përgjatë gjithë muajit Albsig ofroi kartë Med falas. Me t'u publikuar uljet e muajit, kanë qenë të shumta kërkesat për aplikim për mundësi përfitimi të kartës Med dhe të uljeve në produktet e kërkuara. Numërohen rreth 2500 profile që kanë vizituar, kërkuar e blerë produktet e tyre përgjatë muajit Mars.



Stafi i Albsig.sh.a, Albsig Jetë dhe Albsig Invest - Udhëtim në Mal të Zi me Rastin e 8 Marsit.

Magjia që bartin udhëtimet është e pakrahasueshme, por kur udhëtimi bëhet me stafin e punës me të cilin kalon çdo ditë, është edhe më mbresëlënëse! Një arratisje nga e përditshmja ishte ajo që na kishte munguar në "Albsig", për t'i dhënë ngjyra ditëve tona dhe për t'i bërë ato më të bukura, pasi energjia që merr nga udhëtimet është e patjetërsueshme dhe e pakrahasueshme. Budva ishte vendi që menduam të vizitonim, një nga vendbanimet më të vjetra në Malin e Zi, që spikat për historinë e pasur kulturore, turizmin, bregun kaltërosh dhe padyshim vendet e panumërta që mund të pushosh. Udhëtimi me autobus me të gjithë stafin e vajzave dhe grave të shoqërisë Albsig, Albsig Jetë dhe Albsig Invest, nisi në mëngjes herët. Udhëtimi shkoi shumë mirë. Grupe shoqërie të ndarë i shikoje duke kënduar në autobus. Pasi bëmë dy ndalime, mbërritëm në destinacionin e kërkuar.

Qyteti i Budvës së Vjetër është një vendbanim, i cili daton që në periudhën antike. Ka një arkitekturë unike, që është krijuar kur në këto zona sundonin venecianët. Teksa arritëm afër njëres prej kishave, aty pranë në sheshin e Poetëve, qëndronte i ulur një burrë i thinjur, i cili luante në kitarë duke shijuar notat e muzikës që ndërthureshin me zhurmën e valëve të detit. Shijuam si staf momente magjike. Në qytet ndiheshin ditët tipike të pranverës: rrugët e mbushura me vizitorë, ndërsa në ajër ndihej aroma e luleve dhe bimësisë së sapoçelur. Kaltërsia e portit thurej me pasqyrimin e jahteve, anijeve dhe barkave të ankoruara në molin e qytetit. Mbi 10 kisha me një arkitekturë joshëse në Qytetin e Vjetër shpërndanin ngado aromën e temjanit, ku një prej më të bukurave ishte kisha e Shën Mërisë, me një shesh panoramik që sheh brigjeve të Adriatikut, e cila ishte një ndalesë shpirtërore për shumicën e vizitorëve ku bëri pjesë dhe stafi jonë, por edhe për të shkrepur fotografitë më të bukura të këtij udhëtimi. Në mbrëmje zgjodhëm një nga lokalet e qytetit, ku shijuam pijet dhe muzikën e mirë për të mbyllur ditën.

Dita e nesërme nisi plot energji. "Porto Montenegro" ishte destinacioni i radhës. Një zonë luksoze, të cilën kushdo që shkon në Budva nuk duhet ta lërë pa e parë, sepse ndodhet vetëm 25 kilometra larg. Porto Montenegro konsiderohet si një nga destinacionet më mbresëlënëse të Adriatikut dhe një nga më të mirët në Mesdhe. Ndërtesat dhe hotelet luksoze, shëtitorja buzë detit, dyqanet e markave ndërkombëtare, jahtet në zemër të rivierës së Tivarit, bëjnë që gjithkush që shkon aty të shijojë pamjen e mrekullueshme të gjirit të Bokës, i cili mbrohet nga UNESCO.

Në kthim nuk kishim si të mos ndalonim për të parë nga afër Shën Stefanin, një nga pikat më të vizituara të qytetit. Dikur një ishull, por tanimë prej vitesh i lidhur me një rrugicë të ngushtë me bregun e detit, duke krijuar në këtë mënyrë një nga pikat më të bukura turistike. Ishulli i Shën Stefanit daton në shekullin e 15-të dhe karakterizohet nga ndërtesat e veçanta prej guri, nga oborre të bukura prej të cilave mund të shijosh në pafundësi pamjen dhe aromën e detit. Këtë udhëtim menduam ta finalizonim me një kafe të vonë në Shirokën e bukur të Shkodrës për ta mbyllur ashtu siç duhej këtë arratisje fantastike, e cila ka për të mbetur gjatë në kujtesën tonë.

Ne, në Albsig besojmë se shërbimi i mirë vjen nga marrëdhëniet e forta që krijohen tek ekipi ynë, nga përkushtimi i çdo dite për të dhënë më të mirën dhe nga fryma e përfshirjes dhe solidaritetit me klientët. Që nga dita e parë e punës dhe gjatë gjithë viteve të përvojës, sfidojmë veten për të qenë gjithmonë në lartësinë e duhur, zhvillohemi për t'iu përgjigjur sa më mirë nevojave të çdo klienti, sepse i konsiderojmë si partnerët tanë më të vlefshëm. Vlerat tona na bashkojnë e na bëjnë më të fortë për të përballuar çdo situatë.



PJESË E  KASTRATI GROUP



Albsig për të 3-tin Vit bën të Mundur Rinovimin e Kontratës në Mbështetje të Kartës së Studentit.



Karta e Studentit është mjeti nëpërmjet të cilit studentët përfitojnë mjaft avantazhe, tarifa të reduktuara dhe oferta të dedikuara, si nga institucionet publike ashtu edhe nga subjektet private. Pajisja dhe paraqitja e kartës është e detyrueshme nga ana e çdo studenti për përfitimin e këtyre avantazheve. Në rrjetin e shërbimeve publike, me të cilin mund të njiheni duke klikuar mbi ikonën "Shërbime Publike", paraqitja e kartës është e mjaftueshme. Në rrjetin e shërbimeve private partnere, me të cilin mund të njiheni duke klikuar mbi ikonën "Shërbime Private", studentët përfitojnë uljet dhe ofertat e dedikuara për ta, në formë pikësh të ngarkuara në kartë nëpërmjet leximit të saj nga sistemi (jo thjesht paraqitjes së kartës) që përdor secili prej aktiviteteve private. Këto pikë të grumbulluara, studenti kartëmbajtës mund t'i përdorë si vlerë monetare për të realizuar çdo lloj blerje në të gjithë rrjetin e këtyre subjekteve private, të cilët i janë bashkuar nismës së Bashkisë Tiranë. Vlen për t'u vlerësuar mbështetja e Shoqërisë së Sigurimeve Albsig, pjesë e Kastrati Grup, e cila numëron vitin e 3-të bashkëpunimit me Bashkinë e Tiranës për Kartën e Studentit. Çdo student i pajisur me kartë do të përfitojë shërbime dhe produkte me çmime të reduktuara ose shërbime falas të ofruara nga Albsig, bazuar në kontratën e bashkëpunimit të lidhur në kuadër të këtij programi. Albsig promovon Vlera. Janë Vlerat ato që na bashkojnë në ditë të tilla dhe bëhemi përkrahës dhe promotorë të brezave të rinj studentorë. Ne duam të jemi opsioni kryesor për zgjidhjen e mundësive tuaja. Mjafton të përzgjidhni Albsig si partnerin tuaj dhe garancia juaj në çdo hap do të jetë mëse e sigurt.



Albsig Sponsorizon Librin “Të Rënët”, e Punonjësve të Policisë së Shtetit Përgjatë 32 Viteve

Shoqëria e Sigurimeve Albsig sh.a. ka bërë të mundur sponsorizimin e vëllimit të parë të librit me titull: “Të Rënët”, i cili ka ardhur në dorën e lexuesve vetëm në sajë të mbështetjes financiare nga Albsig. Ky libër është shkruar nga Hilë Lushaku dhe Bajram Ibraj dhe është koha më e mirë për të filluar të lexoni mbi kujtimet e jetëve të humbura në radhët e institucioneve ligjzbatuese të Ministrisë së Brendshme përgjatë viteve 1990-2022 në Shqipëri.

Ky libër tregon historinë e të rënëve në kye të detyrës në Institucionet ligjzbatuese dhe është lexuar, vlerësuar e marrë parasysh nga audienca çdo detaj i tij i hedhur në letër. Më e rëndësishmja që vlen për t’u theksuar është se ky libër nxjerr në pah historitë rrëqethëse të 422 personave të rënë në detyrë vetëm për periudhën prej 32 vitesh. Jo vetëm kaq, por libri spikat dhe emrat e Dëshmorëve të Atdheut, ku nga 186 të rënë 180 i përkasin Policisë së Shtetit. Libri është hartuar t’ju vijë në dorë lexuesve me vëllime. Aktualisht vëllimi i parë është përfunduar dhe përqafuar shumë nga lexuesit. Autorët e librit bëjnë më dije se kanë nisur me draftet e vëllimit të dytë të këtij libri. Shoqëria e Sigurimeve Albsig sh.a. ka dhënë mbështetje për arsimin, artin, kulturën, institucionet publike, shtresat në nevojë, duke financuar dhjetëra aktivitete që janë zhvilluar brenda dhe jashtë vendit. Albsig sh.a., pjesë e Kastrati Group i ka kushtuar përgjegjësisë sociale një vëmendje shumë të madhe.

Albsig ka angazhuar burime njerëzore dhe shpenzuar shumën të konsiderueshme, të cilat janë në dispozicion të drejtpërdrejtë të shoqërisë dhe mjedisit ku Albsig ushtron veprimtarinë e saj, por dhe më gjerë, mjedisit kulturor, artistik, mediatik etj. Albsig sh.a. ka mbështetur financiarisht veprimtari të shumta si ekspozita, botime librash, institucionet publike, koncerte muzikore, vepra teatrore, promovim të vlerave kombëtare edhe jashtë vendit, aktivitete sportive, etj. Kjo ka bërë të mundur pikërisht atë mbështetje, atë plotësim të atij dimensionit që biznese të mesme dhe të mëdha janë duke luajtur në drejtim të zhvillimit të artit, kulturës, sportit dhe letërsisë.

Në arkivat e Albsig numërohen më shumë se 250 sponsorizime librash të autorëve të rinj dhe atyre më në zë. Albsig ka qenë dhe do të mbetet promotor dhe mbështetës i historisë, kulturës e letërsisë mbarë shqiptare.





☎ +355 (0) 42254770 / 764

✉ info@albsig.al

WWW.ALBSIG.AL